



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Non omnes admissi perseuerant; vt Edwardus Thorne, Thomas Langdalle.
nu. 27.

urn:nbn:de:hbz:466:1-38320

XXVI. *Guilielmus etiam Hartus octodecim annorum iuuenis, inter prius in Collegium Anglorum Romæ cooptatus, cùm Societati nomen de-*
dissit, biennio nondum evoluto, ex Romano Collegio in cætum Angelorum adscibendus transit. Guilielmus alter Brokesbeyus, Dicecensis Wintoniensis,
annis & is probationis non expletis decedens, veterani lauream accepisse non immerito videri potest; nam hoc elogio celebratur." *Guilielmus Brokes-*
beyus è prima nobilitate, stirpsque familiae, post suscepsum ditionis paternæ possestionem, alterum & vigesimum annum agens, animi dotibus & oris figurâ cæli quām terra incolis propinquior, omnia, & simul sponsam (quam ad perpetuam virginitatem, vt ipse faciebat, colendam hortatus est) Religio-
ni posthabuit; Romæque inter Alumnos ad annum Conuictor, inde ad So-
cietatem, tum ad Cælum ex ea euolauit.) His iungi posset locius Georgius
Gilberti, Patrum nostrorum aliorumque in Anglia Sacerdotum turbulentil-
simis temporibus holpes, comes, & fautor munificentissimus qui sub idem tempus in Collegio quidem Anglorum finem fecit viuendi, emissis tamen prius ex voluntate Reuerendi Patris Generalis Societatis votis. Sed opor-
tunior erit cauſa in eius laudes excurrendi, cùm ad Personij labores ven-
tum fuerit: Per cuius viri industriam singularem (Personij inquam) cùm constans apud exteris nationes copia fuerit nostris vel erudiendis, vel per varia munia perficiendis, eorum memoriae reliqua historia dabit campum laxiorem.

XXVII. *Quos verò his initis complexa est Societatis propensa volun-*
tas, palam est non omnes steriles immotos. Alij à principio fluxo nixi funda-
mento, alijs uarum cum tempore mole cogitationum corruere. Narrat Zacc-
chinus in Borgia de Edwardo Thorne, annorum viginti quatuor iuene Anglo,
qui nullo aut virtutis, aut fidei certo proposito, paupertate sola impellente,
Societatem petierat, & Tyronicij nondum confecto biennio, Rhetoricæ dabat operam Dilingæ: Huius vitium animi hac ratione detectum est. Du-
bitabatur ijs diebus de Kleffelio quodam & Simone Philosophis, an recte de Religione sentireret: Ineunte anno noui dabantur Praeceptores; Hinc sumpta est occasio decreti Pij quarti de professione fidei facienda exequendi: proponitur cunctis; Conscientiâ (vti aiebat) reclamante negat Edwardus posse le in illa verba iurare, daturum se alio loco rationes. Perturbavit eminuerò adstantes hasitatio inopina adolescentis, qui tam cautè cuncta simulauerat vt nullà tan-
geretur suspicione. Semotis arbitris rogatus cauſam, respondet, Cultum San-
ctorum, purgandarum animatum flamas, Christi in Sacramento p̄fren-
tiā & plura alia non esse sibi tam certo cognita vt tanto sub onere audeat af-
sentiri. Docetur in iis quæ huius generis suâ naturâ obscura sunt, standū deniq;
esse lenientiæ vniuersalis Ecclesiæ, qua certa est veri regula & firmamentum.
Dies plures disputando consumuntur: suo demum ingenio cùm plus daret
quām Pontificum omnīū conciliorumque placitis, in itinere ad Prætorialem Ingolstadij commorantem non sat diligenter custoditus elabitur, & in vicino

Dilingæ oppido hæreticis se adiungit. Et illo quidem tempore *Kleßelius & Simon* nullo edito dubitationis signo latuere: Vterq; tamen non ita multo post, Societatem & fidem deseruere exitu dissimili; nam *Kleßelius* postquam aliquamdiu per incerta opinionum vagatus fuerat, ad mentem rediit, & auitam fidem verbo scriptoque propugnauit: *Simon* dum Louanii in Societatem stringere parat calatum, repente ab obuio inimico oppressus occiditur.

Thomas
Longdall.

Non dissimili ab *Edwardi* stratagemate, sed laplu grauiori, *Thomas Longdallus* Sacerdos post annos fermè viginti in Societate positos le luolqne honestauit. Cum enim constet admissum fuisse Romæ vigesimo primo Maij anni quingentesimi sexagesimi secundi, Anno deinde octogesimo secundo narratur eius fuga his verbis. " *Thomas Longdallus*, vir ætatis doctrinæque maturæ, Laureti Romæq; Pænitentiarij munere functus, muneribus præterea sat grauibus gestis, cùm ab Generali Romam accerferetur, Anglicanā Genuā nactus nauim, incertū quâ de causâ in Angliam fugit, ibique turpiter apostatauit. Et forte hic est ille Doctor *Longdallus* quem memorat *Personius* in notis, sparsisse in vulgus sub id tempus tractatum de adeundis sectariorum sacris non obstante Edicto Regio, & mulctâ in eos qui non parerent: quem multi infirmi fecuti in Schisma defecerunt, donec editis ab ipso *Personio* & aliis, de non frequentandis his ritibus libris, docerentur aliter nullâ lege latâ, aliter latâ ad conformitatem extorquendam esse iudicandum. Huic enī maluerim hanc turbationem adscribere, quâ Alano *Longdallo* cui, teste *Pitzzo*, pietas, eruditio, & diuinæ gloriæ zelus magnum nomen peperit, claruitque id temporis Elizabetha regnante.

Christophorus Perkins

XXVII I. *Christophorus* etiam *Perkins* acceptis non recte vten Dei donis, causa fuit cur à Societate dimitteretur; fidei deinde orthodoxæ non minus quam Societati iniurius. Admissus Romæ vigesimo primo Octobris anni sexagesimi sexti nouendecim annorum iuuensis, post Tyrocinij & Philosophiaæ annos in vrbe decurlos, Theologos audiuit Dilingæ, eo profectu ut Iacobo de Valentia adderetur aliquando in prælegendō locius Ingolstadii: Perseuerauitquead eius seculi annum circiter octogesimum. Tum Coloniæ, & alibi per Germaniam, cùm plus nimio inquieto & superbo indulgens ingenio, res domesticas externasque turbasset, neque monitis acquiesceret, carere illo maluit Societas, quam ea quâ ipso retento non sperabat frui pace priuari. In Anglia, honesta corporis forma, & doctrinæ opinione Elisabethæ gratiam consecutus, Ecclesiasticæ disciplinæ conferuatoribus annumeratus est, & Equitis aurati titulo auctus, negotiorum causâ missus Legatus in Daniam, ad Heluetos etiam Venetosque. Tum Iacobo regnante fertur concinnator illius fuisse Iuramenti quod fidelitatem subditi cum Pontificis potestate committens multorum scientiam conscientiamque exercuit, ac demum Pauli quinti & Urbani octaui literis damnatum est. Denique annis grauis, quam vitam in morum licentia traduxerat, licenter clausit, nullo dato pænitentis animi signo, quo meliorem in futuro tempore sperare posset.

XXIX.